

KOMMISSJONSVEDTAK**2001/EØS/26/16****av 18. juni 1999****om endring av vedtak 96/579/EF og 97/808/EF om framgangsmåten for samsvarsattestering av byggjevarer i medhald av artikkel 20 nr. 2 i rådsdirektiv 89/106/EØF, med omsyn til høvesvis fast vegutstyr og underlagsdekke(*)***[meldt under nummeret K(1999) 1484]***(1999/453/EF)**

KOMMISSJONEN FOR DEI EUROPEISKE FELLESSKAPA HAR –

med tilvising til traktaten om skipinga av Det europeiske fællesskapet,

med tilvising til rådsdirektiv 89/106/EØF av 21. desember 1988 om tilnærming av medlemsstatenes lover og forskrifter om byggevarer⁽¹⁾, endra ved direktiv 93/68/EØF⁽²⁾, særleg artikkel 13 nr. 4, og

ut frå desse synsmåtane:

- 1) Kommisjonen har alt gjort ei rekkje vedtak om samsvarsattestering av byggjevarer i medhald av artikkel 20 nr. 2 i direktiv 89/106/EØF. Det kan verte naudsynt å tilpasse vedtaka til den tekniske utviklinga. Det er tilfellet for vedtak 96/579/EF⁽³⁾ og 97/808/EF⁽⁴⁾.
- 2) Dei tiltaka som er fastsette i dette vedtaket, er i samsvar med fråsegna frå Det faste byggeutvalet –

GJORT DETTE VEDTAKET:*Artikkel 1*

I vedtak 96/579/EF vert det gjort følgjande endringar:

- 1) I vedlegg II vert følgjande strekpunkt sett inn under overskrifta «Varer til vegoppmerking»:

«– påstrøingsmateriale (glasperler, friksjonsmateriale og kombinasjonar av desse),»

- 2) I vedlegg III, i tabellen for varegruppa «FAST VEGUTSTYR 1/2», vert følgjande strekpunkt sett inn i kolonna «Varer» under overskrifta «Varer til vegoppmerking»:

«– påstrøingsmateriale (glasperler, friksjonsmateriale og kombinasjonar av dei)».

Artikkel 2

I vedtak 97/808/EF vert det gjort følgjande endringar:

- 1) I vedlegg I vert følgjande ledd lagt til:

«Avrettingsmateriale til utandørs bruk

Avrettingsmateriale til innandørs bruk som er klassifiserte i brannmotstandsklasse A_{FL}, B_{FL} eller C_{FL}, og som har ei yting ved brannpåverknad som ikkje kan endre seg under produksjonsprosessen, i brannmotstandsklasse D_{FL}, E_{FL} eller F_{FL} og dessutan i brannmotstandsklasse AFL, der ytinga ved brannpåverknad etter vedtak 96/603/EF ikkje treng prøvast.»

- 2) I vedlegg II vert følgjande ledd lagt til:

«Avrettingsmateriale til innandørs bruk som er klassifiserte i brannmotstandsklasse A_{FL}, B_{FL} eller C_{FL}, og som har ei yting ved brannpåverknad som kan endre seg under produksjonsprosessen (gjeld vanlegvis materiale som vert utsette for kjemiske endringar, t.d. brannhemmande middel, eller varer der endringar i samansetnaden kan føre til endringar i ytinga ved brannpåverknad).»

- 3) I vedlegg III, i tabellen for varegruppa «UNDERLAGSDEKKE 2/2», vert følgjande rad lagt til:

(*) Denne fællesskapsrettsakten, kunngjort i EFT L 178 av 14.7.1999, s. 50, er omhandlet i EØS-komiteens beslutning nr. 30/2000 av 31. mars 2000 om endring av EØS-avtalens vedlegg II (Tekniske forskrifter, standarder, prøving og sertifisering), se EØS-tillegget til De Europeiske Fællesskaps Tidende nr. 27 av 15.6.2000, s. 8.

(1) TEF L 40 av 11.2.1989, s. 12.

(2) TEF L 220 av 30.8.1993, s. 1.

(3) TEF L 254 av 8.10.1996, s. 52.

(4) TEF L 331 av 3.12.1997, s. 18.

«Avretningsmateriale	Til innandørs bruk	$A_{FL} - B_{FL} - C_{FL}^{(1)}$	1 ⁽²⁾
		$A_{FL} - B_{FL} - C_{FL}^{(3)}$	3 ⁽⁴⁾
		$A_{FL}^{(5)} - D_{FL} - E_{FL} - F_{FL}$	3 ⁽⁴⁾
	Til utandørs bruk		4 ⁽⁶⁾ »

Artikkel 3

Dette vedtaket er retta til medlemsstatane.

Utferda i Brussel, 18. juni 1999.

For Kommisjonen

Martin BANGEMANN

Medlem av Kommisjonen
